




نسخ وادست

۱۳۳۶



بکون بیلنیر قسقه، مجموعہ ملایما
پہ چوق آرائیر اور تہ، ۶۸۰ و تہیز

ایتدک شرف خدمت اجدادی فراموش
آثارینہ اسلافزک رغیب اولمیز

مذکور شهزاده فرخنده فال و فرخ مال ، قصور رعایتی او جندن
بریشان خاطر و منکسر البال اولوب بر زمان صبر ایلدی .
چون سلطان جهان حضرت بایزید خان سلطنت سریرینه کچدی .
آنی کندو یرینه کچورب اول سابقا اولان نقصانه جبر ایلدی ،
تذیل

ایشته کوریلور که ولی نعمتمیز پادشاهمزا قدمز حضرت تلرینک یکی باشند
خاندان سلطنت آرمسند آچش اولدقلری بومتیمین و مبارک پیغمبر
برفاتیح سلطان محمد خان ثانی و برده شهریار باعث الافتخارمزا سلطان
محمد خان سادس حضرت تلری زمان مسعدت نشان شاهانه لرند و قوعبولمش
اولور . کشاد بیوریلان بودوره نوین سعادت آثار ، عثمانلی خاندان هایونمزک
مقام معلاسنه جداً لایق و سزاوار و عموم افراد ملت ایچونده مسئلزم
مفخرت و مسار اولدیغندن بو تشبث متینک طرفین حقند و مسعود
اولسی دعاسنی دعوات خیریة حضرت خلافتناهی یر تردیفاً بار یاه جناب
کبریاه اعلا و بو وسیله ایله وجیه تبریکی ایفا ایلرز .

آثار مخدۀ اوقافک احوال پر ملالی حقندۀ ایکنجی دفعه اوله رق
حضور فخامت نشور جناب صدارت عظمایه یکریمی کون
مقدم تقدیم ایلدیکم وجداننامه صورتیدر :

معروض عبد مملوک لریدر

استانبول چشمه لرینک صورت جریانی حقندۀ شکایت و قوعبولدجه صو
بجرالرینک تعمیریه بهانه سنی اورتیه آتمق اوقاف نظارتی هیئت فیه
ادارمنک عادات قدیمه سندندر .

شو صو مجراسی ماجرالری بک چوق صو کوتوره چکی جهتله
اونک ابضا حاتی براز کیرویه براقه جم .

استانبولك بلك غلبه لك یری اولان دیوان یولنده جنتمکان سلطان محمود خان تربسی مارشوسنده صدر اسبق کوپرلی محمد پاشا کتبخانه سی که بار واغیارك کوزی ارکنده در . تمام اوچ سنه در تعمیر ایچون کتبخانه قیامش و اوکنه بر اسکله قورولمش اولدینی حالد طورییور . برایکی آیده تعمیری ممکن اولان برشی اوچ سنه سورده می؟ اوپله برزنکین کتبخانه اوچ سنه قالی براقیلیرمی؟ دونکی کون مذکور کتبخانه نك حویلیسنه تیرمات ایسنه دم، قهرسی اوکنده اسکمله اوستنده برچوجوق اوطوریوری . بو کتبخانه حویلیسنده قویونمزی اوتلاتیورز کیمسه نی ایخیری برایشام دی . [۱]

ینه دیوان یولنده سلطان احمد میداننه قریب فیروز آغا جامع شریفی وارددر . بو جامع شریفك تسمیراتنك خنای قوه قریبه یه کلدیکندن کچن سنه رمضان شریفده کشاد اولنه جغنی اوقاف نظارتی غزته لرله اعلان ایتشدی . حالبوکه حالدا کشاد اولندی . [۲]

بالاده عرض ایتدیکم کوپرلی محمد پاشا کتبخانه سی کبی فیروز آغا

[۱] برچوجوق کندی فویوننك محافظه سنه چالیشیورده . بزا یسه دنیاده نظیری بولمیان اسلاف واجدادنك بوقدر خیرات وحسنات عظیمه نی محافظه یه چالیشق شویله طورسون اوقاف مأمورلرینك باشنده برمقندر ومستقیم ناظر بیله اوطورتیورز . یا ارحم الراحمین ، بونه حالدر !

کچن کون غایت محترم وعالم برذات ملت کتبخانه سنه کلدی . حکیم اوغلی علی باشا جامعنه کیدوب او فیستلی چینی لرك چالیش اولدینی کوره رك آغلیه رق ملیشاری جیفدیغنی یانارق بیان وجموعه یه یازلمنی رجا ایتدی .

[۲] شوایکنجی وجداننامه چاکرانه م اوزرینه صدر اعظم پاشا اند من حضر تلری اوقاف معماری طلعت بکی باب عالی یه جنب ایدوب نویسخ بیورمسی اوزرینه فیروز آغا جامع شریفنك بو کره اکمال تعمیره باشلانمش اولدینی کیدوب کوردم . اسکدارده واقع شمسی پاشا جامعنك اخشاب منبرینك بو جامعه نقل ایدلمش اولدینی ده آکلام . شمسی پاشنك اوچیوز سنه نك جامع شریفنی تخریبه معروض براقوب منبرینی یرندن قویاروب فیروز آغا جامعنه نقل ایتك غریبه سی ده یکی میدانه چیقان بجه سیز موده لردن اولسه کرکدر .

جامع شریفی ده باب عالی به پک یاقین اولدیغندن وذات فخرمآب
صدارتپناهیلرینک بالذات تشریف ومعاینه بیورملری عموم نظرندہ باعث
کمال تقدیر اوله جنی کبی ولی نعمت بنی متمم پادشاه ذیشانمز سلطان محمد
خان سادس اقدام حضرتلرینه خیر دعا آلدیرمش اوله جفکزدن
وعاجزلری ده باب عالی به کلش بولندیغمدن لطفاً بالذات تشریف بیوریکز.
اگر بوعرض ایتدکلم یالان چیقارسه بکا هر بر جزایی اجرا ایدیکز.
راضی یم . عرض ایتدیکم تمامیه موافق حقیقت اولدیغنی کورنجه ، الله
رضاسی ایچون اوقاف هایونه برناظر تعین بیوریکز . زیرا ناظرک تعیننی
آرزو ایتیلر سوء استعماللرک میدانه چیقمامسنی واستفاده لرندن کیرو
قالماسنی ایستیان بعض آدملردر .

خصوصیه شمدی ناظر تعین اولنمز ایسه کله جنک قیش موسمنده
دخی استانبولک صوسز قاله جنی شبه سزدر . قریباً کشاد اوله جق مجلس
مبعوثانه قارشی بن یکی ناظر تعین اولندم اسکی معامله لردن ویولسزلقلردن
مسئول دیکم دیمکه محل قالماق اوزره اوقاف هایون نظارتی وکالتله
اداره دن صرف نظرله بهمه حال وبلا تأخیر برناظرک تعیننی سلامت مصلحت
نامنه عرض اولباید وهر حالده امر وفرمان حضرت ولی الامر کدر .

این هیئت اصلاحیه اعضای سابقه سندن

ملت کتبخانه سی ناظری

علی امیری

ذیل مجموعه

کرچه صدر اعظم پاشا حضرتلری لطفاً معروضاتمی استماع وتلقى
بالقبول بیوردی . اوقاف معماری طلعت بکی جلب ایدرک فیروز اغا
جامع شریفنک وکوبریلی کتبخانه سنک هان تعمیراتنک اکالی حقندہ
تبلیغات اجرا ایتدی . فی الحقیقه برقاچ کون صکره فیروز اغا جامعی جوارندن